

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Churfürstlicher Pfaltz Erklärung das Ihre Churf. Gnaden
die Papisten nicht verfolge wie deroelbigen ungütlich
zugemessen wird**

Heydelberg, 1608

[Text]

urn:nbn:de:bsz:31-99036



So mach dem
 Durchleuchtigsten / Hoch-
 gebornen Fürsten vnd
 Herrn / Herrn Friderichen
 Pfalzgraffen bey Rhein/
 des heiligen Römischen Reichs Erbtuch-
 sessen vnd Churfürsten Herzogen in Bay-
 ern / &c. Etlicher betrongter vnd verfolgter
 Christen wegen / so nicht der Römischen
 Religion zugethan seind / glaubwürdig
 vorkommen / daß dieselbige / hin vnd wi-
 der / an denen orten / da die verfolgungen
 jeziger zeit im schwang gehen / nicht allein
 an ihren gütern vnd zeitlichen nahrung/
 hart beschwert / sondern auch darüber mit
 höchster ihrer vngelegenheit / schaden vnd
 verderben / auß ihrem Vatterland / von
 Haus vnd Hoff / mit Weib vnd Kindern
 A ij auß

ausgewiesen / vnd vertrieben werden /
Auch von den anstiftern vnd verursach-
ern solcher verfolgungen / beydes Geist-
lichen vnd Weltlichen Standts / zu ihrer
bescheinung / dieser Behelff vorgewendt
werde / das in Churfürstlicher Pfalz / vnd
bey andern Ständen / so nicht Papistisch
seyen / diejenige / so der Römischen Reli-
gion zugethan / ebenmässig auß dem Land
geschafft / vnd nicht geduldt werden / Vnd
dann höchstgedachte Ihre Churfürstliche
Gnaden / mit zulassen noch verstaten kün-
den / daß deroselben zu vnglimpff vnd mit
vngrund / ein solches also zugemessen
vnd nachgeredt werde : So thun sie hie-
mit zu steter der warheit (welche men-
niglich zubefürdern schuldig) öffentlich
vnd menniglich zuwissen / dz angeregt vor-
geben / vnersindlich / vnd Ihre Churfürstli-
che Gnaden / so lang sie durch Gottes gna-
den in dero Regierung / (wie auch Ihrer
Chur-

Churfürstlichen Gnaden von andern Eo-
 angelischen Ständen bißhero kein wie-
 deriges vorkommen) der Papistischen Re-
 ligion halben / dergestalt / gegen keinem
 Menschen verfahren / Solches auch nach-
 mals zuthun nit gemeint : Sondern dar-
 für halten / daß dergleichen hochbeschwer-
 liche Proceß / Gottes heiligem Wort vnd
 Willen / der Christlichen lieb / des heiligen
 Reichs Constitutionibus, vnd Insonder-
 heit dem auffgerichteten Religion- Frieden
 ungemess / vnd außtrücklich zu wider.
 Derwegen dann Ihre Churfürstliche
 Gnaden diejenigen / so der Pabstischen
 Religion zugethan sein möchten / vnd sich
 sonst in ihrem leben vnd wandel auff-
 richtig / redtlich / gehorsam vnd friedsam
 erzeigen / ohn einige beschwerung / bey dem
 Ihrigen ruhig verbleiben lassen / in hoff-
 nung / daß Gott der allmächtig / der einen
 früh / den andern spat / zu seiner erkantnus

A ij beruf

beruffet / vnd von dem allein alle gute Ga.
ben von oben herab kommen / werde solche
noch zur zeit vntwissende vnd irrende /
wann es ihm gefellig / auch mit dem selig-
machenden glauben vnd erkantnus der
warheit / auß Gnaden vnd Barmhertzig-
keit erleuchten.

Signatum Heydelberg / den I. tag Iulii
Anno 1608.

